

Bayrischer Liederstrauß

Text und Melodie: Hans Schnitzlbaumer

www.gsberner.musin.de/hs.php

1. Wintergaudi

"Geh' ma morg'n zum Schlitt'nfahr'n?", hat der Lehrer g'fragt.

"Woäß a schöne Schlitt'nbahn!", hat der Hiasei g'sagt.

"Mia ham dahoam a Walz'n, de ziagn ma heut' no' 'nauf.

/: Es is' net g'schtrat und g'salz'n, da *kriagst* a Tempo drauf!" :/

D' ganze Nacht hat's abag'schnieb'n, Papp- und Pulverschnee.

Mia san' beinah' steckablieb'n unterm Spitzingsee.

Dann hat der Bus scho g'halt'n. Mia schau'n und springan 'naus,

/: weil alle aufi wollt'n zum *Schlitt'*nfahrerhaus. :/

Schlitt'n 'rum und aufig'sitzt, endlich war 's so weit!

D' Vroni is' glei' abig'flitzt. "Kinder, lassts euch Zeit!",

so mahnt der Lehrer Meier, "dass koana aussifliagt!"

/: Bald hätt 's 'n selber g'schmiss'n, hat *g'rad* no' d' Kurv'n kriagt. :/

2. Tigi

Mia ham an schwarz'n Koda (= Kater). Des is' vielleicht a Hund!

Er hat drei weiße Fleck'n und an de fuchzehn Pfund.

Des Kusch'ltier hoäßt Tigi. Er g'hört bei uns zum Haus.

Und find't er nix zum Fress'n, zum Fress'n, zum Fress'n,

und find't er nix zum Fress'n, dann fangt er a Maus.

Und was der Tigi g'fangt hat, des legt er dir vor d' Füaß.

Er streicht dir um de Hax'n und schnur r r r r r t so zuckersüaß.

Mei' Schwester fragt an Tigi: "*Was bringst ma 'n heut, mei' Schatz?*"

Da legt er auf 'n Teppich, 'n Teppich, 'n Teppich,

da legt er auf 'n Teppich a **R**ies'ntrumm **R**atz!

3. Hasi Purzl

I' hab' an Hasi, der hoäßt Purzl, der mag die Gelberuab'n so gern.

Zwickt er mi' ganz leicht in d' Hand, möcht' er g'streich'lt werd'n.

Hasi Purzl, hopp, hopp'ldi, Hasi Purzl. hopp, Hopp'I, du bist mei'

*Kusch'*l wusch'l wisch'l wasch'l hopp! zählen: 2, 3, 4, 5, 6, 7

Er la'ft im Zickzack, wenn der Hund kimmt, **wau,**

er springt im Dreieck, kimmt die Katz, **miau,**

nur wenn i' kimm, macht er Mandl. Purzl is' mei' Schatz.

Hasi Purzl, hopp, hopp'ldi, Hasi Purzl, hopp, Hopp'I, du bist mei'

*Kusch'*l wusch'l wisch'l wasch'l hopp! Hopp! Hopp'ldihopp!

4. Sprungbrett!

Alle steh'n im Schwimmbad, schau'n nach ob'n,
der Bademeister hat sei' Hand scho' g'hob'n.

Alle wart'n, bis er wieder winkt und der nächste sprin - ng - t!

Auf 'm Sprungbrett! steht a kloana Bua. Schau ma eahm bisserl zua!
Er springt, und sei' Sprung der sitzt. Des spritzt. Des spritzt. Alle...

Auf' m Sprungbrett! steht a Elefant. No' dazua guat bei'nand'.
Des arme Bre - - - - - tt'l bricht...noch nicht, noch nicht. Alle...

Leise! Auf 'm Sprungbrett! sitzt a kloane Maus, federt net, springt hinaus.
A Maus hat a - - - - - ihr G'wicht. Des Brett! brich!

5. Schatz-Taucher

Blub blub blub blub blub blub blub, so tuat's im Taucherclub.

Blub blub blub blub blub, blub blub blub blub, so tuat's im Taucherclub.

Habts ihr des scho' g'hört von dem Gold, des tief in am See drin'lieg'n soll?
Ma' woäß bloß net wo. Der Kini woäß scho.

Desweg'n hab' i' g'lernt, wia ma' taucht und was ma zum Taucha so braucht:
Zwoa Floss'n, a Bruin, d' Harpune zum Zuin. Blub...

Außi geht's an Starnberger See.

Mei' Laptop sagt: Nase zuhalten! "Schatz in der Näh'!"

I' spring', tauch' und peil': Da sich i' a Seil!

Obi geht's am Seil, bin scho' g'spannt! Da spür' i' 'was Kloan's in der Hand:
an Schlüss'l zum Gold! Und des wird jetzt g'holt! Blub... ...b!

6. Coco bello

"Coco bello, coco bello!", tuat's am Badestrand,
über uns der Himmi, unter uns der Sand.

Bacherlwarm is' 's Wasser, meterhoch die Well'n.

Luftmatratz'ngaudi derf auf koan Fall fehl'n!

/: Bella Italia, Ferienland! "Coco bello!", singan mia, singt der ganze Strand. :/

Wenn die bunt'n Liachter brennan, ladt uns d' Oma ei:

"Geh' ma a Pizza ess'n?" Mia san' glei' dabei.

Mit der Radlkutsch'n tret ma durch die Stadt,

schaun mal, wer die größt'n Bacio-Kug'l'n (Eissorte) hat. *Bella Italia...*

Leise! In der Nacht, da woll'n ma schlafa.

Aber es macht s, s-s, s-s, s-s, s-s, s-s, s! www.gsberner.musin.de/hs.cgi

Opa kimmt mit 'm Schlapperl. Wia des flippt und flappt,

bis die letzte Muck'n an der Weißdeck' pappt! Mmm... ...Bella Italia... ...Strand!

www.gsberner.musin.de/hs.php